



100231

農丈人詩集卷之五

目錄

瑶池曲三章壽雲間陸大叅母夫人

寄贈錢汝瞻侍御

集張司馬公山亭

送沈嘉則

汪惟一携尊落石

吳仲實邀同水竹塢

吳伯舉酌溪上



谿園同吳仲足賦

汪長文袁稗章集小樓分得雲字

過錫山悼友人陳貞父

餞別肩吾郊外不至詩以速之

集屠田叔霞爽閣餞肩吾

翁令公邀集陸園賦謝

張孺覺邀同陸啟原陪翁令公於蕭園園

即孺覺尊人司馬公所遺構孺覺加闢

馬余於司馬公稱門下士故多感舊之

語云

屠緯真邀翁令公集娑羅園緯真好道得

稱飛瓊

陸啟原邀陪翁令公於湖樓是日雨即事

陸園奉邀翁令公同諸君即席賦

楊叔向邀陪翁令公於樗園分得濛字

張大司馬席上留別二首

李賓甫招游蕭臯二首

送李道甫僉憲山東

裴太僕省親歸臨汀賦贈

汪長文治具湖堂對菊

仝屠田叔李之文林道卿集楊叔向樗園

燕坐偶成寄文融

小憩天童禪院

越州推府陳思進按行明州海上諸邑歌

五章

沈嘉則客海陵於高生之往也作絕句寄

馬凡五首

傅御史行有序

維揚送彭郡博之官

贈開府中丞劉公

贈門人郝謙伯孝廉

陸啟原叅知邀集湖樓

贈江都陸無從

留別社中諸友得斜字二首

東歸舟中寄懷周國雍四首時國雍為南

戶曹

同張司馬公游茂嶼四首

送吳山人游三衢二首

留別汪禹又三首

王仲律見過與之譚玄別而贈此三首

題逗雲湖

題緯蕭軒

游四明山二十四韻

瀛海曲七解有序

巡海使者范公即轉浙江右轄賦贈

贈隱君葛公旦

題醉茶軒

歙僧朝海過訪賦此為贈因寄溪南吳氏

諸故人共四首

農丈人共四首

農丈人詩集卷之五

農丈人詩集卷之五

古鄆余寅僧杲著

論地瑶池曲三章壽雲間陸大叅母夫人

瑶池安從黠其若蒙鬯經天外宛彤自宮有姥

都之宜聖容後天而老穆且雖

瑶池安底曾城周時沕滴爰起迎景及履有姥

馮之委其似迴旋日月禊萬喜

瑶池安育白球攸族天柱斯蠹上帝曰篤有姥

眷之見耆夙章則義問騰九牧

卷之八 寄贈錢汝瞻侍御

昨日長安塵似土，諸公頽洞如哮虎。今日長安
土似塵，諸公滅沒成飛鱗。綺陌香街花幾度，猶
憶當時夢中路。一朝顧盼生光輝，使我聲名走
如赴。世路悠悠那復知，散盡波濤起烟霧。猷有
從前老布衣，不忘摩娑古庭樹。等閒萬事煞可
論，姓名何必畫麒麟。君家叢桂鬱鬱森，從耳我亦拂
石栽。脩筠山中流雲坐，超忽將雲比髮髮。更白
如此頭，顱欲待誰白。楊夜夜號西陌荒，垆木落
訝猶煖。富貴不來空恨晚，脉脉銜杯學避人。不
問從他誚偃蹇。

集張司馬公山亭

不分湖光駛紛從，雨色來殷勤。勞白恰次第，俯
青梅苔密親。綦履花殷膩，酒杯後生饒。自喜歡
伯莫須裁。

送沈嘉則

別去窠分明，令人不願醒。碧梧天一半，何限大
湖青。積水明殘日，空堤散曙星。倉庚端自好，早

晚傍誰聽

汪惟一携尊落石

懸水絕浮埃天青列障開暫相豪短髮應共倚
深杯密雨常歸樹輕雲不破苔偶然成俯仰魚
鳥莫須猜

吳仲實邀同水竹塢

牢落吾方甚沉冥爾更深人情看道路世事憶
山林挂幘當清沚開尊對碧岑炎歊胡乃甚不
解拂衣心

吳伯舉酌溪上

宛宛坐沙壩長楊漫遠天歲人蘿薜裡餉客芟
荷前風已辭闌闌雲堪老偃佺歌成池水綠茲
意若為傳

谿園同吳仲足賦

曠望一登樓長空莽不收日亭千竹午天幕萬
松秋容與洲前意差池物外儔自堪歲赤日何
用恨淹留

汪長文素稭章集小樓分得雲字

有友坐宵分清言自不群天清放寥廓林白走
氤氳興罷旋生雨情來直造雲南隣富絲竹歌
吹正紛紛

過錫山悼友人陳貞父
逝矣陳貞父經今又幾霜暮潮隨地滿秋草徧
天長有膽能剗決無髯自戟張應多靈氣在夜
夜燭高岡

餞別肩吾郊外不至詩以速之
稍可須臾得終然佇望孤蒼茫如密雨廓落在
坪蕪高鳥披空入浮雲絕上驅青桐當水滴意
甚為誰都

集屠田叔霞爽閣餞肩吾

不謂王程促相將丙夜追華燈紛旖旎大占任
支離綺閣明星衆高城朗月遲徑排嚴闥去不
問主人辭

翁令公邀集陸園賦謝

睥睨前頭景物賒何須題鳳到他家園林韶媚
知風信水石清芬借月華曉逐鳴騶喧燕雀春

隨飛旆轉棗麻使君盛德如玄酒且放漁陽別
日搗

張孺覺邀同陸啟原陪翁令公於蕭園園
問主人即孺覺尊人司馬公所遺構孺覺加闢
支節於司馬公稱門下士故多感舊之
不語王語云

司馬丰標盖代希辟彊園好重追思真臺此日
明明在杖屨當年步步隨雲樹臨流相映帶星
河徹曙有低垂君侯雅自憐名德肯借高軒到
水湄

屠緯真邀翁令公集娑羅園緯真好道得
稱飛瓊

霞甍層疊自逶迤風尚岌峩盡榜題問酒有名
今下箸聽歌無恨古前溪一林好鳥啼芳樹五
夜明星爛大堤曲幄貯將誰得似許飛瓊在萬
花低

陸啟原邀陪翁令公於湖樓是日雨即事
不量晴雨便稱卮此日湖樓別有姿雲勢轉看

成峯嶽風紋不斷走漣漪。輞川庄上尋遺跡。杜
曲城南空古陂。惟有祠前老蒼柏。曾聽蕭鼓夜
闌時。

陸園奉邀翁令公同諸君即席賦

東皇淋氣傍湖來。西府名花特地開。萬姓喧闐
齊出戶。群公揖讓共登臺。從今委巷生顏色。自
古高情屬草萊。靈雀揣知人意思。不將更點數
相催。

楊叔向邀陪翁令公於樗園分得濛字

使君盛有古人風。不許騶徒近赭桐。新綠滿山
俱幕歷。繁星在水盡空濛。短簫不隔巖花外。孤
艇長迴澗竹中。座上何人頻斫纈。願將狂簡乞
山公。

張司馬席上留別二首

碧樹引湖濱。離歌倚夕曛。高天初放月。客路獸
寒雲。草綠川原接。梅黃節候分。愁心芳杜盡。不
忍向君聞。

花下暫留歡。高堂寶瑟寒。老嫌名姓賤。貧識道

途難汗漫真吾事
蹢躅且自安
贈言勞大貝
珍重醉中看

李賓甫招游蕭臯二首

隰隰迤芳洲
鱗鱗宛綠疇
雲來疑谷口
雨絕渺江頭
蘿薜情何限
滄浪意可酬
濁醪如此紫
萁莫不似鳴鳩

霖霖午烟微
流連夕照違
偶然江水綠
忽漫拂人衣
是鳥邀歡盡
何雲與倦非
青棠一萬樹
思殺老漁磯

送李道甫僉憲山東

除目偶然聞
量移又到君
敢言誰不次
竟失汝為群
歷下來清濟
封中起白雲
三齊災沴日
正想藉氤氳

裴太僕省親歸臨汀賦贈

暫輟乘黃寄
遙將萼綠輝
帝憐雙白髮
詔賜與斑衣
春雨萌初茁
霜潭鯉正肥
六時調膳罷
莫不憶皇闈

汪長文治具湖堂對菊

逸興大湖飛蒼茫上白衣地將人共老霜與菊
初肥遠韻通秋壑幽香散夕扉杯行天漢轉直
犯啟明歸

全屠田叔李之文林道卿集楊叔向樗園
古樹叢侵閣明河高壓城白蘋洲共遠青雀舫
初輕病覺酒無力愁知花有情流螢紛箇箇隨
意拂雕楹

燕坐偶成寄文融

竹日踈踈薄松雲冉冉低裘巾還自岝把筆為
誰題廓落心仍壯蹉跎事不迷舜江才百里流
恨水俱西

小憩天童禪院

長庚來寶地帝遣護禪闕象設虛無外玄通窈
窕間白雲閒在堊明月靜於山老檜離竒甚應
知說大還

越州推府陳思進按行明州海上諸邑歌

五章

龍節煌煌迴曉日瑯旂獵獵捲秋風千林雜沓

驅山鬼一水分張拜海童

騶徒動地侵晨發炬火燒雲竟見夜闌負弩當先

趨縣令橫戈殿後擁材官

馮陵一檄山川動照耀雙旌草木光鳥道天低

過伍伯鯨波人立送艖艤

黑雕風急千山濶白鷗霜高萬落空精衛有靈

呼列缺支祁無計避豐隆

丹筆敢聞屠伯健赭衣偏得吉人哀吏民明白

隴胡去父老喧闐額手來

沈嘉則客海陵於高生之往也作絕句寄

馬凡五首

木脫霜高野戍明天涯白日坐馮陵江南野鳥

無情甚啼遍長河一夜冰

塞鴈能輕海嶠低凍雲重疊不曾迷炎洲此去

三千里掠水東來隔在西

白髮毵毵映水遙一生長寄木蘭橈蓬萊山下

深無極聞道年來只及腰

海陵原是舊揚州海水何曾向北流若說邗溝

當日事幾人親見渡龍舟
曾向北流宮殿貯
後夜長虹下燭溪寒江不動萬峰齊
楚天只在繁星外一望因君一倍低
寄木蘭林壑東山下
三十傳御史行有序

傳御史言事得罪詔杖謫戍定海徐給
事喬李兩御史俱以奔抹貶官三等徐
信州人與余厚善

傳御史纍綬都官正自此何獨東來汎江汜澤
國荒唐沍泰陰絕與周廬不相似山川呵護縱
有靈已走風塵四千里今人皆言御史好君為
御史官不保信州給事我友人急難疾於風雨
蚤喬君李君真丈夫憂來萬事青天孤乃知富
貴不足有昨日内名今泥塗禹疆之神黃帝子
掌栽東海萬年祀歲歲馮夷供肅將玄幢出沒
波濤駛蛟螭充巨割龜鼉當小鮮江豚紛百拜
竅竅贊大賢焦釜漏無極柱在鴻荒前綠字大
于斗高頌三山鐫驟爾聞此魂直灑君來對之
何不可爾時溟漲倍往日天吳橫決崩雷疾水

府茫寒未易尋咫尺吁嗟風又失燭龍之事毋
爾為又況不在東南陞岷崙使者傳雙翼今年
未訊扶桑枝勸君且飲東海水勸君且食東海
禾 朝廷恩數良已多放君白日來蹉跎

惟揚送彭郡博之官

平生拜謁都不有今日殷勤送彭叟茱萸灣上
水正紅相傳脂水棄隋宮隋家樓殿矗雲起不
道當時飛藿似丈夫意氣論鼎鐘偶然量移何
當禁東京博士盡倚席錚錚誰者今時力臨岐
之意不在酒豈是空然執君手

贈開府中丞劉公

扶桑迤外自風馳武庫勲名世所竒山海諸神
來受記東南半壁坐分麾中黃樞靜前茅遠太
白旗高午漏遲班劍隊中鏡吹發萬人謠誦萬
年私

贈門人郝謙伯孝廉

爾家閩閩家嶙峋寶樹萋萋復幾人直遡燕山
為窟穴真從淮海浴騏驎舊時事往猶追賞前

輦風高欲悵神閭闔正開賢者路飛騰何日渡
天津

陸啟原叅知邀集湖樓

秘監祠前島嶼迴分將一曲抱層臺湖光百丈
衝霞起樹色千重帶月來繁吹似聞鶯鶯歷亂嚴
觴不禁燕喧趁夜闌燈火紛如晝狼藉星光滿
路隈

贈江都陸無從

竹西社裡老明經長闢淮陽問字亭自信三年
道易嚼誰憐千日酒難醒梁鴻屋上雲光白高
鳳庭前雨氣青絕喜大兒曾拒客蓬頭歷齒戶
常扃

留別社中諸友得斜字二首

又作前征計重煩岐路嗟壯心猶自許快事莫
須誇古薊高丘沒長河故道斜偶然多月色萬
里正平沙

漸覺人群是寧知吾道賒閭闔無外戶天地有
重華一日肝腸醉臨風鬢髮斜桑乾河水溢聞

說萬夫嗟

東歸舟中寄懷周國雍四首時國雍為南

里五平戶曹

人生何用適客意自難平君久江南住吾空冀
北行功名惟候鴈歲月又河榿好訊長淮水殷
勤過石城
夙昔未云已蹉跎良可哀書無論契濶夢有惜
徘徊星掣高原過雲披巨瀆來此時江上樹歷
亂為誰開

昨去莎鷄振今來靡草空行行芒碭野徃徃石
尤風貫酒當誰共耽詩祇自攻一年曾幾日強
半在舟中

春風欺特甚長路浩何賒底是浮生嬾都無大
夢誇東標霞氣赤西柄斗文斜何處存知己天
涯有怨嗟

同張司馬公遊茂嶼四首

寥廓高秋淨。公。泐。別墅遙。山深長作霧。海近不
通潮。歲月寧相假。林泉且自驕。何須招大隱。混

迹到漁樵。
綠樹直蘸青天何山不可憐。濯纓秋雨後揮塵晚
風前。返照踈林薄。飛流決石泉。高樓仍四望處
處接神僊。

何用恣躋攀。開門即大觀。地盤滄海曲。天遶大
湖寬。出日看初浴。歸雲擁乍寒。山中無俗想。魂
夢自便安。

白日傳杯過。青山入座看。樹頭嵐氣重。沙上雨
聲乾。勝事酬猿鶴。幽期結蕙蘭。因思巢許輩。畢
竟是何官。

送吳山人游三衢二首

太末山前景物竒。故人西去采江蘼。城頭雲氣
如鱗甲。猶似當時姑蔑旗。
無數峰巒凝紫烟。無端總入客中憐。忽然轉出
江郎石。片片飛來墮馬前。

留別汪禹人三首

解后揚州是幾時。即今相見又相離。臨岐不醉
殷勤酒。空向天涯結後期。

故人何處訊離居不用題詩并寄書但得在家
看白髮絕勝把手歎躊躇
當杯不飲欲如何耐可青天更著謔不是新安
酒力薄年來較得醒偏多

無雙王仲律見過與之譚玄別而贈此
短牆欲下與葵平粉籜朝踈露氣清霄半似聞
鸞吹發女貞花底說長生

閨風使者尺書明小可賊輪萬里輕不是凡情
消未盡何妨結伴市鄽行

曾共燕山吊慶卿偶來選石聽流鶯相看剩却
頭顱在霜霰紛紛墮酒觥

題逗雲湖

底事平湖太劇青和風和雨屬沉冥輕鷗習習
紛相逐不問人間有醉醒

題緯蕭軒

日月如山寐莫過有人別墅歎蹉跎數將籬下
閒花朶不似星星兩鬢多

游四明山二十四韻

澤國高寒氣秋旻廓落情山經標特勝仙籍侈
多旌凌厲眇三島遵循隘九瀛剛風鼓蓬勃朗
宿錯經營窈窕谿初發超超嶺欲驚翠濤諸萬
斛紫霧冪千楹瀑迅昨宵雨雲乾此日晴牂羊
愁蹶躡俊鷗快縱橫珞琤開屏勢琮瑋引吹聲
八紘真汗漫五岳浪鏗鎗自作擔簦去難論戴
釜征葛洪原有約禽慶獨何名孤嘯神霄半雙
眸大海平華禧通太乙梨杖倚長庚鳩鵲遙相
唳鷓鷯午乍鳴青菁炊作餉白襪裹為程喜劇
歎氛絕驕多袷袂輕紆行蛇出谷小坐雁分坪
矯首徇靈塔綠袂聳化城芝童紛出矚毛女恍
來迎許寂劍向往劉綱榭已傾荒荒都信足默
默但盱衡猶隘寰中在何時海外盟倕豐應只
尺薦我以雙瓊

瀛海曲

瀛海曲者古水調歌蓋舊譜也近多新
詠任丘憲伯劉公古德醇媿百福具臻
既偕吾伯母氏稱大耋矣長公東朝

師友次公開府海上東人食其實不佞
寅獲在世講之末謹援之以作頌焉夫
風人意得即倚興為屬倚屬為賡何復
津域之云凡七解

人世如流霜飛黃越其阻人世如流霜飛黃越
其阻至人長嘯隘中區別有天地開鴻宇舉袂
稍回旋蓬壺渺洲渚朝餌風實暮殮雲子一鼓
瑤華音瞬息已千紀歌以言志飛黃越其阻一
解何時登閬風來自崑崙墟何時登閬風來自
崑崙墟霞舉從湯谷並轡以望舒睢盱一氣內
婆娑此焉胥呼雙成命拂舞顧飛瓊使右斲屏
辟萬慮渾沌本初歌以言志來自崑崙墟二解
皇天偶相付寄命勤斯人皇天偶相付寄命勤
斯人秉麾此一方所至揚景芬榮光滿河洛五
老稱主臣大信原不假鳳凰儀吾仁稚子何所
狎狎彼陌上鷦歌以言志寄命勤斯人三解矯
矯人中龍濶視九州外矯矯人中龍濶視九州
外人亦有言敢不自瑞駟馬高蓋使心不泰萬

鍾之祿視如鉗鉞達人所憂在彼綠絅太息東
門折此左轄群真遲我於河之次優哉游哉聊
以永歲歌以言志濶視九州外四解聚窟渺何
許鳳麟以萃止聚窟渺何許鳳麟以萃止扶輿
鍾淋清報賦有異采明廷揚紫芬頓首贊喜起
煌煌秉黃鉞東來靖滄海一姓無兩雄可以參
元愷歌以言志鳳麟以萃止五解扶棗日東出
八年作我樊扶棗日東出八年作我樊赤斧從
天來萬里風雲屯精彩在大旗鯨鯢不敢翻漲
海盡安瀾功比銅柱尊嗟汝橫目民食此誰當
恩歌以言志八年作我樊六解太行無終極透
迤如火年大行無終極透迤如火年勝噐保貞
吉契合象帝先道要已銓總樞機通上玄光塵
不可挹彷彿見華顛允哉百世師寥絕空雲烟
歌以言志透迤如火年七解

巡海使者范公即轉浙江右轄賦贈

開牙未久意何其龕赭門高日下遲
聖主不教更別鎮東人何用怨離思指摩已借

風雲力談笑聊分出納司怪道扶來多氣色海
陬應見大儒為

贈隱君葛公旦

青桂如屏覆綠苔龍丘長住越山隈少微星自
天中見大隱風從海上迴珍重祇看樞具劍沉
冥長傍巨羅杯自憐此足無伸處誰為先生製
履來

題醉茶軒

何事堪排老崛強津津紫笋可禁當鳩坑欲報
雷時節贏得錙伶鍾裏腸

鼎鑪脉脉意何窮煬突摩娑問阿翁此際風前
鍊如意模糊不辨向誰雄

歎僧朝海過訪賦此為贈因寄溪南吳氏
諸故人共四首

白雲何事擁袈裟消息真傳一樹花聞說如來
曾現相幡幢千隊向誰賒
四大門中證若何慈悲不惜向龜罨慧光倘在
滄波上著地拈香右膝多

春風無處問蹉跎
千日相思一日多
記得豐干溪上水
垂楊百尺不生波
故人都在碧雲端
谿路迢迢一萬盤
馮着君家三昧力
夜來飛夢不曾難

農丈人詩集卷之五

書記周禮

目錄

送吳叔嘉游天台二首

畫松歌壽南大司寇趙公

贈毛處士

積雪示田叔

題方山人寄寄齋

送同年顧叔時謫判桂陽二首

讀騷軒聞鴈二首時余將北上

將之秦與馮用韞太史言別

衛河龜坼艇不得進者五日有懷用韞

潞河却寄陸敬承馮用韞二太史二章有序

登夜移巖同少司馬范公賦

送人之荆

將之廣陵與嘉則言別

送王司教之丹陽

陸園代述

游天童寺

瓊瓏巖

全張方伯助甫陳大叅王叔萬駕部伯脩

傅明府俊伯梅克生莫廷韓黃定甫孝

廉朱汝脩太醫集盛泰甫宅分得文字

送泰甫東歸凡三首時泰甫將母行故

末章及之

輓大司馬東沙先生七首

藍田道中二首

商州道中二首

鎮原道中

五月初三日日本生考贈都水府君諱日悵
怛不能為懷時駐校慶陽

贈觀察原公備兵昌平四首末訊同年董

雄可

關中送少叅李君赴調粵藩四首往嘗與

君同官工部

東歸至睢時余已請告余友周啟明迂道
來晤因作長句為別

送定南章令

姜子幹見過與之小酌子幹灑水人客寓
錢唐與余睽隔已十幾年念往悼時漫

復爾爾

子幹再過齋中

客有携尊過余山亭者再邀子幹過之

贈子幹

送子幹還錢唐無訊顧侍御青嶼先生

送汪伯玉少司馬北上六首

次韻答包九丈病中見訊

贈唐仁卿客部得告還粵時余官膳曹

集楊叔向樗園

癡絕一首示文融

過洋河吊戚姬土人傳姬乳名洋洋

明皇由褒斜入蜀

白水江絕句四首江之北即蕭相國追淮

陰侯處

維揚送高孝廉子登歸四明三首

劉叅戎奉檄之錢唐徃其尊人死事闕中

故末章及之

京口曉發

入沔懷孔明先生

燕邸屠緯真同入覲諸君小集限韻

與周國雍言懷

鄭山人追談朔方幕府諸勝事因敘之篇

詠

花燭詩一律贈楊玄度年姪新婚

贈相者翁生二絕

一枝

聽歌

次韵戲答魏茂權奉常

棧道聞子規

讀書阿育王寺顧見玉几山

農丈人詩集目錄卷之六

書記周禮寫

農丈人詩集卷之六

古鄆余寅僧果著

送吳叔嘉游天台二首

大觀觀無始小觀觀樊樾濶達信所矜瞥然厲
高揭舉足隘十洲俛仰成超忽登頓豈不疲要
以渙神發至賞充冥靈無寧爽毛髮儻逢混沌
子朝暮坐相索執跡絕世馳曠與寥廓別閉戶
差可憇曲局空自兀

其二

儒有握琅玕不給蚤暮餐儒有佩菴蘭不抹衣
裳卑拚關誠跼躅出門又艱難富貴有寬律貧
賤無恕端撫躬重瀆落攝志存嶢岼含意皦白
日敢競他人歡命豈平世仇理或名山刊矯首
一相送戒之慎汜瀾

畫松歌壽南大司寇趙公

往時畫松數巨然別生曠邈層崖巔干雲直聳日
蹇爲風烟仰看嚴重俯稜截如從太古相周旋後
來墨本差堪假携將高頌尚書履尚書蠲潔墨
如砥一時國是賴綱紀三千年前周家梓果然
夢到丁固氏桂宮栢寢紛蒙祉黑頭宰相伊誰
獨公乎猶自滯南服大象逶迤肅陞盾元氣冲
融彌海瀆臣髮未白心如木 高廟神靈如轉
燭照臣不遺臣隱伏上枝虬龍下琥珀馬有大
物不芬郁摩汝頂酌汝脂艾納香飄晝日遲好
去長淮祝萬禧

贈毛處士

憶昔與君同研席當時曹耦稱無敵白駒倏忽

走崦嵫不借扶搖送飛越獵獵雄心詫蠹魚拂
衣便解諸生籍人生適意竟何物安用銀章與
金埒古來放達直等閒不與造化爭尋尺以此
知君蕭灑徒扶杖行歌聊自咄誰者雲蒸意氣
豪又誰逢累見突兀顛君大斗日斟酌秣田歲
釀三千石

積雪示田叔

積雪閉重門孤燈對旅魂俗情卑獨行國事劇
煩言夢逐青山遠愁從白髮繁小奴驚喚曉
忽不成論

題方山人寄齋

冷風難便御神霧更誰乘生世真如寄何人肯
似僧風塵雙脫屣天地一橫肱只有偏提在朝
昏老自憑

送同年顧叔時謫判桂陽二首

累月霾如積連天慘不揚蓋臣初去國明主
正垂裳萬事都蒼莽千秋敢崛強祇應無一字
默默渡清湘

天意竟難窺公評屬阿誰
總來溫室樹多是萬
年枝大別倉皇見小孤
寂寞隨寵靈那可藉萬
一是馮夷

讀騷軒聞鴈二首時余將北上

白月下空庭蕭蕭旅鴈聲
霜天高不極萬里正
含情北上吾猶晚南來
爾歎輕黃花并濁酒不
覺壯心驚

何處得征鴻高齋坐晚風
一聲江露白海樹不
知紅片石婆娑外孤雲
睥睨中有懷都不隱歡
喜故人同

將之秦與馮用韞太史言別

豈不願朝夕其如簡命新
君才雄北土吾意急
西人分外語言別就中
意氣直高雲與杯酒前
路見嶙峋

衛河龜坼艇不得進者五日有懷用韞

榜厄此河中無由縮地通
相過曾輦下不遠只
墻東憔悴看靡草蹉跎想
候蛩驚心當此日君
意倘相同

潞河却寄陸敬承馮用韞二太史二章有
序

余之秦中二太史出祖宣武門乃不言
別而言他大多拂臆劇甚往儕未及塗
言會有適溝可謂或鼓或罷且置且歎
送客謂何曉人乃爾可忘此日輒寫斯
章

何事怨清尊驅車正國門機忘千日洋情至一
時煩白日行天速黃河徹地渾與君分袂意原
不在多言

颯颯故難禁風來拂斷鐔他人不與論前歲到
如今誰遣填滄海終疑化鄧林酒杯都在手緣
箇只襟吟

登夜移巖同少司馬范公賦

何物削初成崑侖一夜平大江扶日上萬里挾
風輕下界波濤濶高天沆瀣清不妨幽籟發孤
嘯使人驚

送人之荆

率爾成離別悠然下漢沱
姤人天地小傍客水
雲多山盡空舫峽江連
大馬河在家何必好年
鬢揔蹉跎

將之廣陵與嘉則言別

楓落霜黃噪暮鴉
扁舟江上使人嗟
風塵何處能容我
天地無情不問家
古渡秋風聽玉樹
荒臺落日訪瓊花
那堪分手長洲苑
目送征鴻天一涯

送王司教之丹陽

零雨如膏霖霖平句餘
江上灑文旌
誦通俸只仍三釜
掌固官曾到九卿
消夏灣前津柳動歲
春塢裡野花明
椒漿儻為延陵設
慷慨應從蔓草生

陸園代述

彩騎翩翩陌上雄
追思錦里舊時風
蕭條歷世施行馬
慚媿今朝學冥鴻
蒼翠欲流山靄重
溟泓不散渚烟空
醉來徙倚看花發
雲自芬敷水自融

游天童寺

石關迢遞鎖天童日月雙迴大地空
壁絕片雲藏古刹秋殘高葉下長風
一摩訶行頭陀去十里青山太白雄
傳鉢到今如大夢薊嶺功德水來通

靈瓏巖巖在天童寺舊傳觀音現相嘗於

池水中見之

石氣蒼茫拂紫烟白衣高照是何年
誰懸綺戶遙天外曾幻全身淥水前
繞樹瞻依神八萬拈花接引路三千
爾時只作尋常看人鬼天龍盡惘然

全張方伯助甫陳大參王叔萬駕部伯脩

傅明府俊伯梅克生莫廷韓黃定甫孝

廉朱汝修太醫集盛泰甫宅分得文字

送泰甫東歸凡三首時泰甫將母行故

末章及之

惜別當春半催詩正夜分天邊一以送
冠蓋盛為群投老思鄉縣携貧到海濱
所憐業桂好不

是為移文

品流還我輩突兀借人羣誰惜長安米言追壘
上耘能歸良已得既隱不須文安敢輕相約重
來看五雲秦中史記凡三首來看五雲
有母時時老無兒歲歲聞向來都在念此去復
何云山峯勾螺黛江恬細縠文為君頻慰藉一
路指鄉雲

輓大司馬東沙先生七首

翔氣嗟何勁高雲慄不揚典刑真厚賴降割大
非常地遂東南薄天仍日夜蒼傷心看北斗一
一為低昂

滄海洪濤絕空巖紫雲疑山靈氣盡宇宙大
名垂皇路勞長畫駘垣把獸麾晚來追睿聖不
忘抑之詩

有警皇陸謚無年赤子康當時三蜀地真稱百
夫防姓字閒方著經綸老更長可憐千歲栢催
賜作黃腸

世廟明如鏡中丞覆在盆六軍歸跋扈一疏雪

沉寃士少披肝地人多
次骨論誰能甘斧鑕萬
死立乾坤

茂齒熙明代初衣寂莫
時永言垂白事不了殺
青期素業星河爛高標
陸海馳名山多副草日
月為雙持

痛哭酬神理煩寃積素
襟拍心雙白壁灑淚萬
黃金暖律吹猶淺繁絃
奏更深西州門下路不
忍重相尋

燕喜長無恙龍光盛有
儀雅懷深領袖高義急
節炎暮雨歌山趾春風
醉水湄哀哀鈴唱發併
入短長思

藍田道中二首

山似含嘔水似嗟漢家
纔過又唐家行人不解
興亡事笑指山桃又發
花

縣家續食惣能頻十笏
黃齏九笏芹窺着隸人
休竊笑前生原是竺蘭
身

商州道中二首

右邊絕壁削嵯峨左側
懸崖萬仞多展足苦無

寬地面剛留尺許放人過
馬煩車怠又黃昏且趁山衙早閉門嶺脚擊柳
人怯虎嶺頭抄案吏調猿

鎮原道中

雨如飛汗土如頤縱得炎風不受吹輿裡有人
稱困頓不知輿外渴多時

五月初三日本生考贈都水府君諱日悵
但不能為懷時駐校慶陽

年年角黍一傷悲若箇金籠前灑掃兒對着青天
渾不語五千里外血如絲

贈觀察原公備兵昌平四首

末訊同年董
雄可

名花無數倚前楹宛似當時怯舞情莫道故人
輕遠別沉香亭上送君行

神京北去是昌平玄武旗高日夜明未到虜人
先嚙指不須更問古長城

九陵霜露又臨期憶得當年扈駕時從此勾陳
常作衛松楸都是萬年枝

董生來去竟誰將今日相思不可量携得蓮花

農文入詩集 卷六
峰上月知君滿路有輝光

關中送少參李君赴調輿藩四首往嘗與

君同官工部

景龍池上唱驪歌綠樹千章靜不波原是君家
舊臺館傷心偏傍夕陽多

花萼樓荒礎尚存山燐野燒蝕苔痕請君認作
醒酒石聊為須臾駐短轅

玄武曾分幾日曹無多燕市揖鞭高三秦亦是
優游地又領新符渡虎牢

莫道蠻方舊不賓山猿水蚤總吾人騎羊仙子
今寥落為遣華旛到海濱

東歸至睢時余已請告余友周啟明迂道
來晤因作長句為別

周郎一見笑不下自多黑髮驕相詫亦有肴核
曾錯陳午時起坐當時罷憶昔握別都門時我
髮亦鬢如君緇驅逐風塵忽幾年繁霜不禁成
素絲風塵妬人已如此安能更向風塵死所以
陳情叩九闈黃衣聖人定吾是睢州城外誰

家園對此不醉誠煩寃昨日繁陰密如幕今朝
墮葉凌秋原君不見此地從來多舊跡烏巢曲
棘相隨籍更有帝丘名冢聞欲往尋之如鬼蹠
豪華滅沒等烟雲况乃么麼徒紛紛前頭縱有
景光在安能使我心如焚聞君為我轉匍匐迂
途特走葵丘驛嗟嗟此意良可繹不負當年號
莫逆何必臨風浮大白

送定南章令

廣漠風高條何發層冰不避幘高揭只離長河
涉大江迎來章貢時時雙君家閭閻盛如此到
君又覲前人紫銅印鑄來才十秋萬人元吉界
新侯虔州今日稱樂土不用倉皇忌虎頭

姜子幹見過與之小酌子幹澌水人客寓
錢唐與余睽隔已十幾年念往悼時漫

復爾爾

已分蓬蒿謝此身豁然耳目為君新出門一步
非吾事頌酒千年正此辰徃徃波間傳得信明
明物外結為隣無端忽作淋漓態不覺驚人語

又頻

子幹再過齋中

看君浩蕩在雙眉，不展雙眉不是悲。
鼎內大丹猶恍忽，手中如意且支離。
兵厨已自勞相乞，鼓吏如何不可為。
君自醒醒吾自醉，寒星幾點為誰施。

客有携尊過余山亭者，再邀子幹過之。

相知何必恨淹留，相守誰曾到白頭。
雨溢霜鍾山不度，雲沉風濺水空流。
雄心好向何人是，生計堪於若處謀。
嵇阮不來君不逝，蕭齋原自號忘憂。

贈子幹

姜肱磊落自無求，一片閒情付白鷗。
豈謂姓名猶足駭，敢希顏色偶然優。
纓冠長戴蹉跎恨，蒯劍空携莽蕩愁。
眼底囂囂紛花外，盡布衣原不藉封侯。

送子幹還錢唐，無訊顧侍御青嶼先生。

采采江花送夕曛，停杯不語自氤氳。
身依黃葉

淹蕭寺手拍寒潮憶細君高閣霜空孤鴈過大江秋色片帆分落英猶恐多狼籍顧野王前不敢聞

送汪伯玉少司馬北上六首

文武推昭憲華夷總令裁詔書清九域禮數絕三臺廟祜敷周曆天聲軼漢才大旗雙日月今古論崔嵬

宵旰勞天子君胡不鞠躬文章足用世拍顧便生風下檄蚩尤伏前茅太白雄折衝今日事那得歎孤忠

名以栖遲老身從感槩輕星辰隨北走江海接天平次第看吾主從容咨爾卿壯心應不負况乃正論兵

虜障何曾息天兵自罷圍一時持廟論群口贊戎機月避高幢肅風旋練甲飛只今周台虎稽首暢皇威

久已推神駿應多格上台山河終借力兵甲始論才廟筭臣何有天聰帝自開履聲聽不盡

併入水蒼來

世道誰將力江河故不禁
踈狂寧假舌醉劇更
開襟財賦終輸鬼臣工
盡鑄金漢庭無賈誼今
日涕方深

次韻谷包九丈病中見訊

安敢稱高卧聊因憩小廬
清風殊不意楚楚數
行書谿雨從消息山雲自起居
不勝歎流水門
外短轅車

贈唐仁卿客部得告還粵時余官膳曹

我已慙閒局君應稱倦游
非熊原偶值神爵肯
輕留心遠思恬退名高敢浪憂
正逢瓜蔓水好
去放孤舟

集楊叔向樗園

何地足婆娑朱欄映碧波
江聲通睥睨野色引
坡陀風至便吹籟雲來襯
踏莎啟明不解事兀
自曙光多

癡絕一首示文融

霜影無端白烟叢有意青
湯將閒歲月強作老

娉婷苦縣人難遇
雍門淚易零
生來癡絕甚
肯使一朝醒

過洋河吊戚姬
土人傳姬乳名洋洋

洋河河畔吊洋洋
山水無情總斷腸
蝴蝶不知人世恨
刺梅叢裡度餘香

明皇由褒斜入蜀

風雨無端送出畿
棧雲邱樹不勝疑
銀鐙驛路鈴音動
只有黃旛綽自知

白水江絕句四首

江之北即蕭相國追淮陰侯處

褒谷中間下馬尋
追亡一事在碑陰
英雄已逐飛埃盡
何事江流咽不禁

上帝茫茫后土長
曾看白日指肝腸
未央宮裡可憐事
不願真王願假王

山河帶礪本非真
絳灌如何不足倫
眼底赤松明白在
惜君不是箇中人

當時一飯亦曾論
難道封齊不是恩
代馬嘶風跑蹕甚
可憐三族竟沉冤

維揚送高孝廉子登歸四明三首

淮海茫茫日夜馳春潮如恨復如疑君今南去
看明月得似長安竝轡時

青雀雙雙指故鄉那知分手在維揚平生涕淚
如珠玉今日江頭灑萬行

金城山上足蹉跎絕壁千尋掛薜蘿一入沈寥
風雨後滿天蒼翠為誰多

劉參戎奉檄之錢唐往其尊人死事閩中
故末章及之

西風獵獵捲旌旗左跨蒼虬右赤螭一片大江
秋色淨青天萬里獸揚麾

海門日夜吼神鼉頃刻山來雪似多列校如雲
分隊出瑯戈鍊羽亂濤過

五雲山上好披襟手捋黃鬚撫劍鐔原是羽林
孤豎子煌煌七尺主恩深

京口曉發

鐵甕憑為宅金焦控作關沙平黃葉下潮穩白
鷗還星動千家市霜清兩岬山南朝曾駐蹕天
仗雜花殷

入沔懷孔明先生

赤坂竟何許黃屯業已空
偶經江浩蕩因嘯古
英雄鼓角陰崖動精靈
野戍通平生一腔血灑
盡永安宮

燕邸屠緯真同入覲諸君小集限韻

夙尚嬾猶取中懷醉欲繁
風塵看競爽北斗正
孤翻解逅同京犖車殷
沅切帝垣夜分霜氣烈
誰挾二毛尊

與周國雍言懷

不借詩為况其如計轉窮
此中堪自遣何道別
稱雄馬滄滄名起鴻毛
往事空皇天殊未已不
敢怨秋風

鄭山人追談朔方幕府諸勝事因敘之篇

詠

元戎號令肅於霜
大燾懸高懸抱日黃
曾借白衣銀海上
能令開府意加長
篳篥雨集周游館
蹴踘風迴校獵場
想憶諸酋膜拜處
萬山峯峯律路
微茫

花燭詩一律贈楊玄度年姪新婚

玉螭宛轉抱春來寶帳瞳朧向晚開綠綺聲中
雙燄發青蓮漏下幾枝催星低紺幃鮮雲度風
拂瑤房滿月迴衿帶煌煌多氣色共誇僊子下
蓬萊

贈相者翁生二絕

白頭已謝少年癡躍馬長安敢自期且放尊前
雙慧眼殷勤好與醉紅兒

難說雄心已盡消一回聽罷一回驕如今若箇
乾坤手慷慨風前不可聊

一枝

一枝袅娜自春深曾向風前力不任怪殺朱絃
淒切甚隔花傳得白頭吟

聽歌

聽歌如斷又如聞彷彿筵前度彩雲銀燭燒殘
教再續今宵難說為將軍

次韻戲答魏茂權奉常

五步君何疾徘徊孔雀兒想應悔齋勅流盼故

長安詩集卷之六

移時

棧道聞子規

鳥道側於天客情無處說只有子規聲山山不

曾歇

讀書阿育王寺顧見玉几山

玉几插漢高其上平如掌白羽雲中搖獨來還

獨往

農丈人詩集卷之六

書記周禮寫

農丈人詩集卷之七

目錄

太息行送姜泰符黃門北上謁補泰符嘗

以言事謫廣昌邊尉既服闋乃北

彩凰謠壽錢太守母夫人

時太守在南昌獄中

再壽錢太守母氏二首

輓少司馬屠公竹墟先生

贈中丞党公開府朔方

邠州大佛寺

贛生司訓永寧

送張大孺穀謁選之京三首

同年減晉舛過訪賦贈三首後二首僕與
之有均嘅焉八二首

贈前督府孫公文融二首

集楊叔向空水樓得風字

又得逢字同林道卿賦

訪纓泉先生萬竹山房不值二首

贈李貳守考績二首

全孺穀賓甫田叔訪嘉則賦此酬其韻

訪湯慈明有序

舊僚盧思仁祠部遣其子懋祥來訊思仁

以忠諫受杖為編氓十一年矣感而賦

此凡二章

贈楚游者

尹少陵報使還楚

送屠驛丞入娶因訊其宗人緯真明府二
首

送舊寮蕭文謫戍海上假歸四首

客中卧疴四首

林道卿侍御建大椿堂奉其尊公因作歌

紀其事

題曹中丞二親封冊

禱雨有應贈令君

贈盛山人

送錢山人歸姑蘓

集張孺覺蕭園

送管孟肩應試南都

游雪竇二首 晚度徐鳧巘

輓沈嘉則四首

踈林中初旭

贈陳清甫舊海寧令二首時余卧病丹徒

淮陽聞陳玉叔太守治狀

秦生歲晏客越

汪生來訪

送嚴參軍之留都 葦泛十首

輓座師余文敏公二首

屠田叔解官歸與之燕坐四首

得范介儒書却寄三首

介儒故嘗官陝臬時正謁補

終夜聞由斜谷渡漆水

詠姪歸自燕賦訊時余方謀終計輒爾之

送大中丞開府劉公以外艱歸二首

錢唐顧叔源乞誌其尊人青嶼先生墓石

薄言餉之不御腥醴即事

農丈人詩集目錄卷之七

農丈人詩集卷之七

古鄆余寅僧杲著

太息行送姜泰符黃門北上謁補泰符嘗

以言事謫廣昌邊尉既服闋乃北

太息復太息霜風疾如織急霰墮陰崖涕下不

可拭英雄流浪若飄梗神采不發空項領憂來

七箸忽欲墜且爾進前呼舴艫我自椰榆人人

亦睚眦我何能剖向渠許大真礪礪往年曾問

昭餘祈可憐無水照鬚眉飛狐關外黃鼠肥朝

舖夕脯徒自嘻量移忽經具區澤皇天降割真
太迫草土微臣祗皮骨扶向人前欲誰藉長安
道上多倥忽心不似當時行步工湛盧黯慘色屏
營天子正坐蜚廉宮蜚廉可望不可即羈旅
傷心看列戟狂霾終歲沉薊丘易得蹉跎在京
陌丈夫如海任流漸安能窮守妻與兒雙眸浩
蕩有如此得意雲霄竟是誰

彩鳳謠壽錢太守母夫人

時太守在南昌獄中

燁燁彩鳳足足應歸昌有顯嘉止雛容發厚祥

一解

凰之多儀端且矩安所與伉伉赤羽鷄火

之穴號胥宇

二解

頎彼諸雛長雛家都脩翮已

就

帝命納諸笈上天聰明母是用愉

三解無

謂日遠照汝展轉無謂日近不勝中淺遂令海

內莫不黽勉

四解

母及祿祿不訾母及齒

帝

之遺欲報

帝植於何是力

五解

去天萬里望

望日落去兒千里莫知髮白惟是長曆以徵凰

德六解

再壽錢太守母氏二首

望望南雲欸欸飛不知何處是親闈祇將一掬
斑斕淚灑向遙空作舞衣

腸斷天南一髮微夢中歷歷醒來非
主恩只在園牆裏猶許羈魂夜夜歸

輓少司馬屠公竹墟先生

魁岍千夫賞威稜百代瞻鄉閭頰頰頰朝署動
稱髯晚節時時惜遺言字字嚴何人論恤典
聖主坐飛廉

贈中丞党公開府朔方

見說新開府勤勞十二年初來當劇郡今去鎮
窮邊甘雨肥遺後威風貳負前歡呼看萬帳稽
頰藉皇天

邠州大佛寺

大佛何年寺貞觀字儼然幻成八十尺住着一
千年流水來聽偈青山學坐禪幾時稱老衲洗
鉢梵王前

贛生司訓永寧

太常初籍奏都養舊知名章貢風能接岷峨雪

正迎儒冠看鄭重禮席想平生倍得憐書帶空
齋寂莫清

送張大孺穀謁選之京三首

行色滿斜陽憑陵意氣長寶刀頻拂拭躍馬自
輝光月小桑乾白風高大漠黃他時肝膽在不
必論旂常

碣石古宮深風塵不可任漸離故有筑郭隗已
無金結客狂奴態拜官壯士心逢時聊自得稍
稍慰初襟

還為故人私殷勤重致辭青山都是恨白日總
堪疑衰鬢憑誰托雄心祇自竒長安多淑氣黍
谷倘重吹

同年減晉叔過訪賦贈三首後二首僕與
之有均瓌焉

芳沚漾漣漪踈林靜可披栖遲吾自許感槩爾
何竒野外猶封豕朝端正委蛇夜來看寶鈇繡
澁已多時

薄宦何曾達窮愁不耐醒故應山嶺落落乍可竹

青青賈勇無前地為妍媿小星不知杯酒外何
事好沉冥

侯館雕龍日天街立馬時浮雲一夢失瑤草寸
心知急病吾何敢銷聲衆謂宜由來磅礴意蚤
已誤前期

贈前督府孫公文融二首

黃鉞聲華蓋大衆山玄玉珮未應聞名高北斗
南箕上家在廉泉讓水間天意久懸惟赤舄
帝心長慰是朱顏江雲寂寂江花滿忍使方書
手自刪

引領朝端若箇真可堪此日尚逡巡五千隊裏
調鷹手三十年來擊絮身玉笥雲封蒼峽暮劍
墟花發古潭春大廷多少紛綸事北面諸公想
後塵

集楊叔向空水樓得風字

太史為園自不同畫樓粉堞映青葱高憑寥廓
誰相許小築培塿聊自雄陶館初分句曲日習
池重見接離風何妨再鼓沙棠楫翠荇香蘋次

第通

又得逢字同林道卿賦

曾下星精秘閣中杖端吹火夜深紅為園已謝
三家市治第曾無一畝宮初學丈人開竹逕更
邀上客坐花叢招提不遠送清梵法曲中間鼓

一逢

訪纓泉先生萬竹山房不值二首

徙倚可能停看花直到冥片雲空塢白斜日滿
湖青野曠鷓鴣渚天間杜若汀名園處處好只
是不堪醒

清興渺難禁孤愁空復深春風不可信其柰故
人心竹散青天色花繁白日陰江鷗紛烟烟沙
上自相尋

贈李貳守考績二首

上考三年家長才百事宜已看民是子不用吏
為師肺石都空設蒲鞭只暫施如何瀉滴地偏
得鳳凰儀

自有過人度曾無混俗情此中多悃愾何事不

分明當路知應審臨軒問寂清他時交戟裏端
不負初盟

全孺穀賓甫田叔訪嘉則賦此酬其韻

數月不相見幾人曾蹶來節齋清病鶴石戶長
踈槐君自頻欹枕吾方數舉杯大江如屋裏日
領暮潮回

訪湯慈明有序

慈明寓屠緯真園緯真號梵道人故稱
達多而末復漫及蓋別有指云

乍見達多園清陰覆短藩颯然風自遠恍與舊
曾溫小步逡巡舉踈襟次第論君看肝膽者可
是負成言

舊僚盧思仁祠部遣其子懋祥來訊思仁
以忠諫受杖為編氓十一年矣感而賦
此凡二章

契濶想家尊何人古道存把書猶未竟和淚不
堪論業桂高分蔭踈篁薄作樊酒杯聊傍汝取
次海榴繁

業久山中卧名真海内傳吾儕三五輩當日髮
膚前力自憐精衛魂應托杜鵑太陽長在御何
日照重淵

贈楚游者

曠絕曾靈光天才揆七襄少微多氣色昨夜動
江湘賦就雲為夢歌成鳳是狂袖中雙白璧天
地見行藏

送尹少陵報使還楚

漢上賢王節江東處士廬將辭日出處報命雪
消初梅老鶯聲滑桃夭鴈字踈春程日夜綠英
蕩莫躊躇

送屠驛丞入婺因訊其宗人緯真明府

桃花渡口舊名家榮戟曾聞海内誇只少西來
尋婺女浦陽江上理星槎

未到東陽先入吳應過泖上聽提壺醉來莫不
披肝鬲何日扁舟問五湖

送舊寮蕭文謫戍海上假歸四首

氤氳泰華長出雲不記雙旌若處分西下黃河

還到海桃花江上又逢君

伊誰嘯海到三韓老鷓橫空萬里寒 聖主憐

君愁思濶屋樓明處許盤桓

鴨綠江頭事渺茫人人都說落橈槍縱橫若箇
操籌者容易開襟論樂浪

青虹入夜倚天狼何事帆前慘不揚後有亂凌
前急雪憑君欲去指何方

客中卧病四首

長夏那堪更抱疴綠陰清晝欲如何江天看盡

蘼蕪草小院無人獸放歌

溪水泠泠意自論遠山不盡倚黃昏青天欲送
可憐月豈有人來傍綠尊

寥落高槐水石清踈風細雨病初輕遙天萬籟
從空起并作溪聲與樹聲

無那清溪無那山晚風不動片鷗閒汶江日夜
東流去愁殺輕雲未度關

林道卿侍御建大椿堂奉其尊公因作歌

紀其事

卷七
九
城中旦日歌鍾起何處
氤氳通德里榮光天半
燭大河門前一曲分清
泚柱史貞良道轉肥歸
來但舞褊襪衣絳趺朱
萼詠不足猶啟華堂駐
景暉聞說大椿旆無際
萬六千年稱一歲亦知
舊說頗荒唐孝子冲融
眼如霽蟠桃斗大甚寸
長何物堪充六膳腸豈
若靄靄凌赤鳳蚤朝暮
覲依雕梁當時柱史曾
陟岵西華峰頭我親睹
藕大如船不載人東望
興嗟嗟繡斧此時甘露
滿庭柯無數神魚泳若
波主人栩栩日方午正

奉僊翁顏色配

題曹中丞二親封冊

乘乾宛宛輸洵陟七度
來趨通德里淪泗鬱鬱
作千年鍾駮裏雙飛渥
洼水誰其穴者稱吉光
龐耘翼鱗相扶將駘背
鯢齒償不足五龍緯繡
生文章一封白雲司再
封爽鳩氏三者駮五駮
四者都獨薦高闕瞳矐
天地青玄堂突兀山川
紫君不見玉田只產玉
何似君家美權局天球
貢作 皇家督又不見
黍谷只生黍何似君家
富

才諳鬱鬱金戈第資良秬如今六合正大同忠猷
炳炳徹上聰開牙况在燕齊東平陽之裔誰
當雄嗚呼平陽之裔誰當雄

禱雨有應贈令君

皇天䟽嘉化鑒假無留行厥爽疾威德迺際黔
黎明何以蘇下土賴彼仁者升何以捷景響有
赫玄龍蒸玄龍興漠止篤然應其靈澍雨滿人
志使我什伯并維古請民命棄骸寶蒼生白日
見至心躅躅以屏營上帝良斯閔俄頃收嘉聲

沛此神哉澤特異誠可經

贈盛山人

峭志絕雲表畏及糾紛俱偶然涉人路踪跡終
自踈是以玩世子嗒然寡所圖偃仰如靜寐形
在心已枯古人不可作沉晦良足模千秋猶旦
暮朝露不暫徐白日儻有托且以卒吾勣

送錢山人歸姑蘓

芙蓉扶醉出郊墟翠露依依不滿溪明月倚尊
浮大白好山當席對分題採香逕遠閒花落響

麋廊空野鳥啼。聞說支硎山更好。幾人曾向此
中迷。

集張孺覺蕭園

傍却高城引曲隄。芙蓉洲上別開陂。游魚踊躍
聽笳吹。香草蒙茸襯履綦。芸閣幌踈風易合。葯
房裊軟月堪遲。曲中忽憶黃籬。綽宛箇涼州按
箇詞。

送管孟肩應試南都

金陵奕奕舊都宮。君去秋高意獸雄。翠輦不迴
滄海北。黃樞長奠大江東。神虬夭矯真乘霧。俊
鶻憑陵欲借風。玉燭殿頭麻拂子。好煩携取荅
宸衷。

游雪竇二首

欲憑高秋問爽靈獸。携芳杜到幽垵。江光遠映
千林白。海氣高懸萬壑青。臺沒空傳哮虎跡。瀑
飛不洗獯龍腥。枯情已在塵寰外。猶向諸僧較
醉醒。

黃鵠翩翩拂紫清。若為仙路坐相盟。潮聲東去

有滄海霞采西來是赤城。大路珠林光怪出。前朝龍翰攫孳生白頭兀。自憐殘漏無數寒。星石上橫。

晚度徐鳧巖

徐鳧巖畔夕陽遲。瀑水淙淙總作竒。倒景灑從千地起。踈陰都向萬家披。短筇到海秋蕭爽。孤劍凌空夜陸離。欲詰山靈緣箇雨。忘年小友正論詩。

輓沈嘉則四首

昨日歡猶面。今朝痛可言。聞君遂倉卒。令我董煩冤。星漢仍盤互。河山空吐吞。當時靈降意。忽作百年論。

東海驟雄風。騷壇一世空。紛呶真下俚。賞識自高聰。天畀靈蛇重。人推繡虎工。後生誰領袖。淒惻意何窮。

太息拍菰蘆。風流意甚都。江清分古栢。天濶讓高梧。道自龍蛇薄。屯應百六孤。空留素業在。日月為相扶。

雙目五侯輕雙旌七澤平手持鏡如意心與白
衣明樓外峰千仞門前水一泓低回明月榭灑
淚此時情

踈林

高志托踈林誅茆歲月心未湏丹嶂盡已是白
雲深隱几罔戀動開尊象緯臨不携玄賞去何
地愜吾襟

初旭

萬象揔空濛青天墮嶺中輕陰收絕壑初旭上
孤桐木榻便便習芒鞋兀兀通因思歸卜築窳
寔愿長窮

贈陳清甫舊海寧令二首時余卧病丹徒
霜風淒不極大海正流澌以我病間日逢君痛
定時石田誰借力丘壑已生姿好挹中冷水為
歡供老慈

邂逅家分明令人感慨生長江一萬里風色幾
時平錦瑟調何疾寶刀咽不鳴相看無可柰白
日滿前楹

淮陽聞陳王叔太守治狀

桐栢水何長勞勞下莽蒼寧論河伯悍祇益使
君腸野曠鞦韆架天寒蹴踘場我來問螻蟻都
說賴循良

秦生歲晏客越

偶來探禹穴未得返函關且醉吳姬酒休登秦
望山江聲清空夢歲序改人顏歷歷南飛鴈知
君不忍攀

汪生來訪

襟佩下珊珊殷沅感萬端不辭凌遠道何限倚
脩翰意氣渾疑逼精光莽自寒連床三日雨天
地黯相看

送嚴參軍之留都

龍虎都原麗貌貅府自雄僊郎趨白下才子出
吳中鸛去收行伍魚來領折衝到家方獻歲先
壽黑頭公

葦泛十首

萸英清漢碧沙迴雲外青蓮一葉來借問揚旌

者誰子千群鸞鳥驚兩邊開
錦紋如洗徹空明隨意流泉石上輕自啟疏櫺
觀素月好於何處濯冠纓

曉色曛曉夜色虛焚香高誦古人書赤文綠字
無塵氣蒼靄飛來不上裾

泠泠鍾磬走斜暉高下宮商逐翠微白日文魚
聽不盡綠雲蒼雪一時飛

籟篠為蓋簟為房盡是篔簹谷口皇青鳳乍來
時一嘯何人天際詠滄浪

冷風渺渺御空波雲笈聯翩向大羅東盡黃山
西白嶽問君能得幾回過

長是停橈繫水滸長年三老更知心紅塵不是
沙頭伴只許高槐盡日陰

逍遙是處足為家榜裏看雲榜外賒識得南華
經幾字不須蝴蝶夢中誇

綺䟽闌檻絳紗帷雲白山青睡起遲趺坐蒲團
吞玉液天鷄不敢報移時

熒熒錦石滉雲端萬里星辰促膝看指點天垣

占王氣不知夜色為誰寒

輓座師余文敏公二首

大江空濶雨霏霏
四顧陰雲慘不飛
宿草定誰分涕淚
空山何處叩音徽
玉棺誤信天來召
石室真成地送歸
恨不當時同大鳥
垂頭十日對靈衣

公入室時余適羈京邸

景鍾未勒大名高
宇宙長懸空斗杓
百郡一時同罷市
九重三日不臨朝
玉壺有約春風薄
翠管無情夜月遙
太息殷勤老知己
山川不語海

蕭蕭

屠田叔解官歸與之燕坐四首

忽忽不自得醒醒
可柰何龍應歸巨澤
雲自老空阿標韻
千人少風塵一旦多
相看素日在携手
向烟蘿

木葉已前期秋高
有所思大江開碧落
何日渡湘灘暫借
天邊路還歸海上
涯窮通偶然事不
必到雙眉

夜靜不覺午山空
無復喧月將窺
峽口潮欲滿

江門此日誰相念他時安敢論看君真浩蕩何處便無根

涼颼何太急皓魄且相親徃徃都忘世勞勞還向人天家多濶略大事又逡巡昨夜軒轅角倉皇氣未伸

得范介儒書却寄三首介儒故嘗官陝臬
時正謁補

君滯京華久誰同杯酒深英雄多扼腕歎息少知音已謝烏烏曲猶操燕燕吟漢宮秋易早無

邨又聞砧

孤鴈君曾托雙魚我自踈此時聞謁補何日見新除世事一無恙人情百不舒狂靈驅九陌淚落更蘇蘇

飛蓋廊坊外絨題霸漣前細氲真只尺道路况三千麟鳳無專技江河不借便螭頭賢者在氣色一時妍

終夜

枯櫬皆儔侶危巖即誓盟長檠花下死誓向酒

中生躡躅黃榆塞飛揚白豹城風塵淨如掃
夜寶刀鳴

由斜谷渡漆水

匹馬凌荒棧前驅報廢丘古亭歎塞口老樹禿
沙頭地絕戈鋌死天高旌旆愁古今同一恨淚
下不堪收

詠姪歸自燕賦訊時余方謀終計輒爾及
之

汝別十年久吾心萬里長非關空繾綣
商量劍向何人拭琴應此日張年來謀七尺涕
淚落何方

送大中丞開府劉公以外艱歸二首

關河黯慘復何論素旄離迷出海門漫理劍猶
懸下瀨蚩尤旗遂暗中原蒙衝列校無虛淚逢
掖諸生有特恩年齒初強髭未白何時重為贊
乾坤

海上勲名世所無蒼天莽莽不堪呼九年在事
神都竭十疏陳情目盡枯號令如天吳巘竅謳

歌滿地漸江孤花門
務面知多少願借豐碑頌
大衢

錢唐顧叔源乞誌其尊人青嶼先生墓石

薄言餉之不御腥醴即事

寒潮大上鴈初翔百折東來恨渺茫怪底蒿萊

匍匐在麻衣如雪涕如霜

寶瑟休翻蘇幕遮玉壺空自然流霞辛夷萬蕊

都如乳未忍君前便放花

農丈人詩集卷之七

書記周禮寫

農丈人詩集卷之八

目錄

送祝曼期游天台

張元易光祿署中種竹甚茂黎惟敬秘書

題曰紫禁滄洲索余賦此

全朱汝脩屠田叔李汝藩集劉百世園得

名字二首

贈俞丈

喜雨三首奉次少司空陳公韻

輓太宰陳公心穀先生二首

陳黃門阻風揚子與坐夜分輒成短述

五月廿四日無可兒殤日也時舟行若耶

溪上風雨大作賦此志痛

題畫二首

送同年林彥賓奉祀楚藩二首

贈吳山人

訪丘謙之客邸

長至集李賓甫山齋四首

偶覽華仲達詩詫錫之近者未或覩也賦

寄兩章

七旬初度八首

後初度八首

恭遇萬壽誕辰舞蹈齋前敬述一首

送沈季立之燕京省其兄肩吾相公時正

枯旱故有無端之云至於末章則特憶

肩吾殆甚焉凡四首

過寶鷄懷故令陳貞父

送入陝者口號七首

周郎行贈周參軍

石德來有序

冬日全陸無從茅平仲陳從訓登北固山
時病初起

高文子登過宿山齋賦贈

送同年姜仲文奉使秣陵便爾省覲

舒倩子開屢躓不售賦此為慰

送解訓導乞休歸黃巖

答沈生

過金山

張郡博歸海門

送鄞令朱君聞訃歸淮陽四首

王生

香霧一首寄長安諸貴游

美人曉粧

六月菊於杭之新城縣有之

靈巖寺

乍聞翔方中丞党公之變至不忍言輒此

代信

邀華亭張虞侯集山齋分得高字

與虞侯劇談因成永嘒再疊高字一首

曹重甫歸雲間三絕兼懷諸故人

同年馬新甫瞻禮洛迦大士還而劇譚往

遭不勝悽惋因賦三絕句為贈

小白嶺口占 太白嶺口占

有朝四絕

農丈人詩集目錄卷之八

農丈人詩集卷之八

古鄆余寅僧杲著

送祝曼期游天台

兼雨驅江臯浮歎淨天域陽景徹郊墟萬里見
爽日信美遠行邁涼颼澄厚稟况乃溯靈境高
步僊者術遐想玄象生暫弭俗情失雲煙湯盪層
霄傳彼雙飛翼鮮霞迸窈谷正與分星逼蹴躡
駭石梁冒之見希特青楓知迭代孤鴻哀劣崩
金光可延駐永謝年命畢

張元易光祿署中種竹甚茂黎惟敬秘書

題曰紫禁滄洲索余賦此

俗士翳垢紛達士睨寥泐神宰壹與馳兩情甚
軒設所以歎世子觸土見迂拙申懷既磊砢在
景亦踈徹赤霄衆雲侶紫籀盛風傑職思敢些
窳尚之以清越結鞅夫何殊撫途良已別彼營
豈不適所貴氛歎絕

全朱汝脩屠田叔李汝藩集劉百世園得
名字二首

禁可當花候能甘謝酒名避人渾細事混俗有
深情弱柳風侵急流鶯雲度輕世心原自泊蚤
已及鷗盟

真毒緣何準狂霾積不平皇天高自便下土漫
相驚執政方存貌言官亦避名吾儕何不可偷
取叵羅傾

贈俞丈

不見俞跗久爾來年幾何朴應隨俗少拙自過
人多野處神能王天游氣益和更餘玄鬢在不

用俟黃河

喜雨三首奉次少司空陳

份

種稔憑雲起霧霏浹夜長喜

失珍極

為漿天與田家樂神知社酒香野人曾不識墟

落已餘梁

風謠吁寔甚露禱意何長當午收前黠明朝續

後漿宮懸一倍鄉音帝籍萬斯香惶恐還吾輩後

巡解握梁

祗是鴛鴦急都無蹄躑長江茅初選脊崑玉故

飛漿天酒偶然事皇醮乍爾香何如稱大有賚

及萬人梁

輓太宰陳公心穀先生二首

海霧閭長蹊嚶鳴鳥共悽山公呼不起萬綠為

誰齊嚴陞思聽履周廬想執珪萬年枝上月空

照法宮低

誰號者崢嶸明公百代程官曾居太宰貧不離

書生元氣黃河大芳名北斗橫太常論謚日

九廟不勝情

陳黃門阻風揚子與坐夜分輒成短述
大風挾江江水渾天吳不解黃門尊樓船辟易
如孤豚須臾新月開黃昏舳舻我亦從東騫平
沙宛宛波汙汙把手啞啞何其溫大言不讓鵬
與鯤微言脉脉箠和墳道途奔迫多朱幡滿眼
肉食誰報恩尊前柰可長江駛與君且酌清泠
泚他時倘憶揚之水記取天邊月如此

五月廿四日無可兒殤日也時舟行若耶
溪上風雨大作賦此志痛

去年五月廿四日霹靂崩奔掣孱骨今年五月
廿四日風雨摧頽咽寒血孤蛩觸夜起紛紛亂
熒披濤走滅沒昏黑不分天地真倉皇難曉鬼
神直充腸迫臆惘若任窈谷空江悄相答

題畫二首

青天萬里平如展一道飛流下絕巘白日行空
古瓦遲松聲細入潺湲淺

白抹芙蓉幾萬尋美人何處想瑤琴空山霧雨
如天大橫作洪中一片深

送同年林彥賓奉祀楚藩二首

雌雄不辨楚風寒，大別無情日夜殘。一旦軒懸都罷響，親勞詔使捧夷盤。

九疑面面想巔峿，帝子如何久不還。試向襄王臺上望，暫應為雨到人間。

贈吳山人

崛強吳孺子，咄咄故相勞。詩以能幽勝，名惟不借高。赤身無土著，短髻有風搔。漫漶懷中刺，何門肯便操。

訪丘謙之客邸

怪殺戛弓早，生憎合劍遲。艱難仍道路，夙昔見鬚眉。天地從吾大，風塵任我私。安能如絕物，永與世人辭。

長至集李賓甫山齋四首

嘉節一陽來，吾徒笑口開。逸情雲共上，藻思雪初催。梅甲津津重，芸稊脉脉回。杯行不可住，風雨故應猜。

已足蒿萊韻，仍多鷗鷺群。短籬分寂寞，虛閣敞

氤氳石重寒猶翠林踈晚更芬總知三萬日只
讀五千文

學字字疏樞巧旋文麗石斑浮沉真物外磅礴自
人間零露滋青桂停雲起白鷗羨君有遐思結
志在家山

促席譚逾盛傳杯興轉豪紅梅含芳訊華燭為
誰高契合成千古蹉跎感二毛出門看雪色的
的照青袍

偶覽華仲達詩詫錫之近者未或睹也賦

寄兩章

吾道正摧殘曾誰柱汎瀾論才渾未盡絕代一
何難宛見松姿勁庶知石理完孤雲真天矯若
箇傍飛翰

余敢居前輩君今寡後生諸公紛鼎鼎所在總
錚錚海宇幅負小英雄七箸輕何人執牛耳重
見蒞齊盟

七句初度八首

解組歸來鬢已霜山中豐草自斜陽淺才未敢

占三鱸薄命何由食萬羊賈誼聲名終寂寞劉
琨事業竟荒唐馮心君莫說英雄事說着英雄總
斷腸

五柳何曾讓五侯吾衰堪亦寄吾愁芙蓉滿路
青霞發睥睨窺人白日幽萬事總看杯在手百
年幾度月當樓諸君那得無襟際漫把詩筒當
酒籌

黑雲郎署不曾閒敢問諸豪竊往還偶過坊間
聞北曲嘗於馬上見西山手携紫禁箴麤鑰日
涉黃穹虎豹關製就賜衣頻出塞小關氏在合
開顏

銅柱勲名竟若何平泉景物亦消磨極知他日
親螻蟻何必今朝盛綺羅焦釜壑中回沫少昆
明池底劫灰多殿前鷲甚桓司馬曾向枯楊歎
逝波

何處名疆非 帝隄當時置我極西頭河湟古
戍三陲暮汧隴新霜七月秋馳道金椎看雨絕
離宮珠箔想雲留漢江長抱武侯墓拜罷令人

淚不收

寂寂寒灰故不然
星星宿火絕無端
齒牙未必真相借
驛肉何須苦自歎
皦日行空都莽蕩
閒雲在水自汜瀾
故人真是天留住
不記田間舊竹冠

愁來何事好開襟
微雨初收正薄陰
百道詔書山海使
萬年天步野人心
黃河命脉安如昨
紫塞風煙淨到今
太祝祠官俱望幸
幾時清蹕翠華臨

世事何曾賴木強
俗情端不羨踈狂
從來一節堪天壤
未必千秋在廟廊
海谷投竿雲總綠
江壩披襖雨初黃
看來不是神僊相
琥珀空勞發夜光

後初度八首

歲華一去不堪留
倏忽杯前似電流
漫說豎儒多大略
空聞聖代有旁求
校書已覺瞳神短
結字何堪腕力柔
回首可憐迂濶在
滄溟猶遣似浮漚

嘯罷層雲自杳冥歌殘寒雨忽縱橫高天日月
狂相得大海波濤恨未平灩澦堆邊魑魅過崑
崙頂上鳳麟行門前雙鹿尋常在容易人間作
石評

海濶蒼烟靜不飛秋高碧落澹無輝時將杖屨
憐清泚迳與樓臺入翠微戴釜已知今日是披
裘敢說古人非牽牛河渚緣何事痛哭蒸嘗到
寢闈

虛薄烟霞空得名軒峨嶽瀆誰主盟駢駢八駿
大地走晃晃七曜高天行草竊山間偷獨舞神
叢野外群相鉤此中甌脫知誰識十二瓊樓俯
泰清

新月何緣映碧渠蕭蕭短髮不勝
相憐草池有終宵不暝魚帝苑已非王導野僧
寮原是戴顓廬年來萬慮都消歇猶拍蕪青笑
自鋤

晨星落落勢何孤大海茫茫意自都共拍素心
期作伴獨看華髮笑為徒浮雲倏忽成蒼狗白

畫縱橫有短狐不信試看泚水上至今頸血尚
模糊

秦穆開天祇吾祖何來西竺侵東土空螺吹海
走倭倭巨鐸驅山夢栩栩寶積藏中都探囊毗
沙門上誰執斧火林自詫還自焚老處天花亂
如雨

白髮泚泚爍太阿馮唐老去欲如何天邊鳧鳴
休相認世外蛇龍且自訛長恨韶光千枝少猶
憐揮霍萬錢多為歡已是湏臾事大不堪聽是

薙歌

恭遇

萬壽誕辰舞蹈齋前敬述一首時歲在壬寅

秋八月十七日

乍施冠服尚依然一疏歸來十二年開徑不離
滄海上呼嵩還向翠微前閭閻愁大狂難禁溝
壑恩深老未捐閉戶私憐強飯在菖蒲花發自
天邊

送沈季立之燕都省其兄肩吾相公時正

枯旱故有無端之云至於末章則特憶
肩吾殆甚焉凡四首

秋光如拭漾晴漪西去頽霞滿棹隨倚遍帆樯
無一事獨將孤影傍差池

大舩無端掣海過君家自有好恩波榜人日唱
青蓮子溯盡黃河又潞河

野服由來謁至尊喜君今日覩天門一燈一
枕黃昏裏多少殷沅涕淚言

落魄從前事已非孱然空自霸漁磯温温晏晏
真兄弟今日令人憶奮飛

過寶鷄懷故令陳貞父

故人宦跡與山齊百丈神光下寶鷄眼底相看
俱赤子傾頭一一為君低

送入陝者口號七首

溽雨蒸人鬱未舒客情無計覓蕭疎前村但得
屠蘓在且聽涼蟬滿驛除

温湯特許玉環分浴罷香脂秘殿聞忽心漫解衣
聊一試石蓮花裏想氤氳

綰鏡捫崖兩膊輕青柯迤上冢難行須史玉女
來迎接笑殺韓家慟哭坪

懶看朝旭理鬢髻難說空齋不似僧家是禁當
無可那邠州梨子冷如水

多半秦人不設帷總無蚊市聚成雷正堪偃仰
龍鬚席倘有雲軒傍月來

畫角樓頭向不吹自無魂夢到羈思齋前樹樹
啼文鳥莫認倉康是子規

過盡秦雲更隴雲伊人何異遠從軍小奚調得
新鸚鵡日念彌陀乞主君

周郎行贈周叅軍

颶風吹海海水立狂濤漲天大鯨泣丈夫七尺
徒爾為長劍如虹轉嗚吧前年靈夏不成行今
日東封不掛名聞道湟中勦強虜虜首直與天
山平身坐大府兒錦衣策勳封拜何崢嶸周郎
愁絕面黧泚常戴貂蟬照秋水英雄原寄草間
生不然亦須草間死安能日逐么麼子擎拳曲
跽屈雙耳周郎周郎空復奇虎頭都護正苦饑

猿臂將軍安所施，水無鬼蜮山無魑。仰天敢問
蚩尤旗，豈無一二曾相知。蕭何躁率常何欺，與
君且盡玉屈卮。踈星落落雲冥冥，舉頭但見皇
天青。那問花前醉與醒，周郎行不堪聽。

石德來 有序

石德者吾姻楊義問氏家僮也。癸酉冬
余有北上之役，義問遣訊余，虎林作石
德來以贈之。

石德來坐為起手捧，赫蹠書跪進。相思語見汝
如見汝家翁。目眚颯颯迴清風，霜天巖峩見吳
巘。木落未落錢唐空，別汝家翁今幾日。歛時睹
汝愁如失，汝家家翁我肺腑。兩家肺腑汝能密，
古人結交重一言。今人笑貌成煩冤，萬事蹉跎
白日老。片心辜負青天存，為汝臨曲水為汝登
高臺。征鴻過盡玄雲開，頓令明月生徘徊。清商
灑灑高燭催，古壇歎夜梅花猜。君不見石德來
冬日全陸無從茅，平仲陳從訓登北固山。

時病初起

南徐一以眺多病霍然輕山晚有餘映江流不
盡聲故人俱落寞衰草與經行欲問前朝事梅
花照眼明

高丈子登過宿山齋賦贈

衾裯多意氣杯斝足淹留偶在千人聚慚無百
尺樓蘋香堪過齒荷淨欲迎眸莫恨挂冠早君
今已白頭

送同年姜仲文奉使秣陵便爾省覲

無邾倚筮筵嚶鳴黃粟鷓人從牛首遠春入馬
蹄愁快事推年少雄心托薄游不妨英蕩節暫
為老親留

舒倩子開屢躓不售賦此為慰

君家如渥水長是產駒駉塵起千夫震風高萬
里孤飛廡館齒萃天祿閣模糊莫歎頭顱禿雄
心在少須

送解訓導乞休歸黃巖

安敢輕微祿由來憶故山祇憑孤劍在仍抱舊
珠還古道已生色何人解乞閒無言自莸李相

送一開顏

谷沈生

函詞者誰子駢此萬琳琅神駿憑空濶高鵬擊
昊蒼何人雄樵李此日指扶桑吾敢操衡尺從
君問頡頏

過金山

二十年前汗漫游曾登高閣俯中流青天無語
月初出箕踞盤陀石上頭

張郡博歸海門

一路丹楓送出關白雲迢遞滿秋灣錢唐千里
乘潮去看盡吳山看楚山

送鄞令朱君聞訃歸淮陽四首

黯黯江雲慘素波送君不忍向君歌山川處處
無顏色此意偏於棹裏多

祖帳前頭重致辭江妃河伯定吾私殷勤好護
神明宰慎莫驚濤近素帷

老扈聽來自不同依然陌上度春風東人涕淚
知多少都在聲聲布穀中

清溪誰醮使君衣盡說衡門事已非芳杜不留
青鳥住自扶藜杖出柴扉

王生

有美風前白葛斜越州人住楚天涯驪歌忽傍
豐干發片片溪雲似若耶

香霧一首寄長安諸貴游

香霧繞長安諸君日跨鞍已餐如意屑又餌大
還丹滿路栽交讓盈庭種合歡蹉跎應不恨威
鳳自雲端

美人曉粧

膏沐理初晨菱花不動塵漸看嬌欲滿稍拂淡
為真綽約分珠綴輕織髣翠勻中庭盛歌舞若
處着精神

六月菊 於杭之新城縣有之

異甚從誰植犁然此日開離騷應咄咤爾雅更
驚猜夏雨寧須厭春風可是媒願移霜下影還
向寂寥杯

靈巖寺

欲攬山中勝，偏宜寺外看。不分雲一片，但有路
千盤磴。轉剏風急，門臨巨壑寒。葛洪丹井在，茲
事已漫漫。

乍聞朔方中丞党公之變，至不忍言，輒此
代言

一旦聞邊遽，千迴斷病魂。失聲驚姓氏，瞪目視
乾坤。爽豁風俱遠，殷勤雨并繁。不成論夙昔，淚
盡此煩冤。

凶閔緣何甚，端倪不可尋。一家俱并命，萬里正
傷心。青海冤難洗，洪河痛已沉。誰曾全母氏，念
極此時深。

精悍風霜老，權竒沙塞長。不應忘肘足，遂敢蹴
堂堂。鈴閣狂猱掣，轅門鬼蜮翔。陶家山海使，倉
卒在何方。

非次嗟熒惑，無端想恣睢。英雄腸自潰，社稷涕
方滋。尺寸俱天步，纖毫總國疵。披猖邠至此，敢
為故人私。

邀華亭張虞侯集山齋分得高字

雲間有嘉士倒屣失吾曹酒力鴟夷薄談鋒塵
尾高池亭分竹色澗戶走松濤此夕看河漢明
星望望勞

與虞侯劇談因成永嘅再疊高字一首

舉世自稱豪何人不讓高後來論尺幅強半沒
蓬蒿若箇扶天輦誰非食土毛倘緣青鬢在吾
亦慶吾遭

曹重甫歸雲間三絕無懷諸故人

風微小海唱初遙零露滋滋釀作潮白盡大江
夫浩浩不堪頽蓼向人驕

螺黛何來刺眼青分明九點翠為屏踈雲忽忽
濛濛度柰可離迷柰可醒

江雲藹藹水盈盈襍珮中間有底聲露浥芙蓉
正堪把續紛宛弱家關情

同年馬新甫瞻禮洛迦大士還而劇譚往
遭不勝悽惋因賦三絕句為贈

赤幢飛蓋正阿那青鬢如君柰若何昨日蓮花
洋上望可曾折取向空波

贏得田間雨一簑偶然擊榜下滄波臨流莫更
燃犀照姒爾年來颯颯多
繁星總總為誰懸寂寞黃花劇可憐二十年来
無限淚紛紛墮在酒杯前

小白嶺口占

谿路崩騰萬樹圍午煙明處度人微寒驢自覺
秋風好引領山光遠近歸

太白嶺口占

人傳茲地是龍園並海岡巖面面歸功德滿山

無字空多蒼莽白雲飛

有嘲四絕

滿路楊花不自由如今春欲向邊州臨風細把
柔枝看猶勝他時獨上樓

曾倩郎當醉後扶不禁皓腕大模糊當時賸有
粗豪在欲得開顏一字無

何人不解贈紛紛只是伊家認得真不信看他
回首處滿天風雨濕青蘋

眼底紅塵分外明蘼蕪日逐馬頭生亦知更有

來時節揔不如教且莫行

益思願主亦味東

...

...

...

...

...

...

...

廣丈人詩集卷之八

書記周禮寫



